

علمينى

محمد عنانى  
التعليم مصر/ التعليم

علمينى إزاي أعيش وإزاي أكون  
وانى عُمرى ف يوم ما أقدر أخون  
وانى أوفى بالعهود دايمًا واصون  
إنى اقول الحق مهما صعاب تكون  
إنى اكون صادق بجد واكون حَنون  
وانى ما تهَوِّرش واوصل للجنون  
مهما كانت الأسباب ولاحتى الظنون  
وانى اكون زي طير فوق الغصون  
مش مهم انا عندي صاحب أو بدون  
وانى أحب الخير لغيرى مين يكون  
وان عشره عُمر بينا ما يوم تهون

وان قلبي يكون كبير بحجم الكون  
تعرفني إن انتى كل سنين حياتي  
اللي راح منها وعدا واللي آتى  
من حنائك أرتوى وأعيش يومياتي  
وانا جانبك تبقا دي أجمل ساعاتي  
والكلام منى يتوه ويغلبني سكاتي  
علمينى ما هو انتى أجمل ذكرياتي  
علمينى ازاي أعيش وازاي أكون  
مهما حتزيد الأهات ولا الشجون  
وإن بعد الريح لابد من السكون